

風
希
堂
詩
集

風希堂集卷第三

東華稿

浦陽

戴殿泗

東珊

五言古詩

題閔正齋醉客圖

有客儒衣裳寬廣復白皙襟裾何灑褻危坐不脫幘沈
酣鴟夷海瞑目天地碧但見玉瓶倒澹蕩無遺滴古來
醉鄉人鬚髯總如戟要知德與功善頌理猶隔不如忘
言者模糊翻醉墨

咏餛飩同倪二韭山屠大潤芝作

方言述餛飩食志敘餛飩得姓渾屯氏含胎混沌源麪

裏劇凹凸籠蒸出細縕中涵精腴碎外擁垠堦翻殊派
咏鴨鵝古經呈艾蓀華陰五般異金陵七妙繁何如甘
四氣用享冬月元佳品數蕭家肥膩了不存淪茗驗清
快注硯同討論今晨孟夏始紅藥開香罇鉅饌旣駢列
鉅粇共清餐歡餘徵瑣細聊用引蘭言

題閒雲出岫圖爲張心柳明府作

太虛未動時無雲有其理森羅千疊山寂寂孕青紫卉
木祕津英溪巖夾流峙奇情倏變幻精氣爲之使蹢躅
作殊狀動盪非一軌在夏爲赤珠入春如積水周蜀何
輪囷齊韓兆布綺金玉紛枝葉法蓋盤空起大哉雲之

用含章入泰始於中造化涵作雨一端爾山有穴曰岫
戶牖憑誰啟幽人處巖麓曉夕擷瑤藥曳杖過深林石
泉清貫耳山雲適相值層出盪蕤蕤爲圖肖其然浩渺
極天咫言咏柴桑詞借行以喻止開先識志氣顯藏衷
厥是游鳥與飛雲圓空不捶倚還將閒者心一證無心
旨

壬寅九日約同人出遊

凌晨不能寐薄寒中枕簟開門揖遙山初旭正騰閃氣
在霜露交人思圭璧儼雲林古迂翁倪圭發興每在剡
達夫未五十高未佳句雜易險風流緯真氏屠鏡談藝

破眠覓伊我本江湖情劇山水賺無能墜露餐只恐修
能冉萸囊有故事敝篋宵來檢何處踏青鞵觸想作崖
厂天公似畫師微雲故皴染老檜如詩流搖頭向風颭
好景不出遊空使塵牕掩忽憶昔年時家園剝肥芡雲
鴻三兩行星菊千百點池根漾青瓊牆角鋪碧毯念此
令人瘦獵颯風吹臉情懷想復同莫待煙氛斂

和倪韭山咏石炭四十韻

倪髯譜石炭肖物極崖略上窮鴻荒焚次悉翠壁鑿駝
運黝已繁椎碎勻復作貯橐土精厚歸廚炎景鑠適用
蔑薪芻煨物啟扇簫折桂可勿云熾獸夫何樂薰帷春

態融搖楮煙光落偉哉賦咏功快馬陣頻斫又似蟲魚
箋空陳見寄託寒齋掩重關積雪紛晶璫圓爐赤正烜
脩箸黑方著慕友思吹壘讀詩如振鐸能忘弦外音況
有鼻端聖吾聞陰陽化黃鍾權合龠二氣轉五行火土
用綦博石者土之子質變五彩各木乃火之母薪傳同
孕雀不聞祝融妃翻藉黃媼妁何爲黑太陽出地陳疎
箔細想洪濛初開闢邇如昨埴壤墳塗壚畬田架高閣
鑽燧命火官飲茹俗早卻鴻鈞旋幹久流峙相枝格精
靈積萬岫寸朽理則諾穹窿露敗壤鬱滯興鋤耰坐令
臭腐餘轉用裨河洛灼燎焰已燃烹飪鼎堪推青芒欲

避舍地氣舒噴薄力息復爲土返本歸寥廓乃知一氣
中儲資待順若生人藉火化土德爲周郭神奇在善用
造化從絜度昔聞權豪家燃鐙像鳳鶴又聞煉丹士內
火參溫燭海積陰耀明石擊電光躍何如發香煤取煥
齊冬貉我家浦江源圍幃同闌幕松溪晶塢山挖煤如
有約浦江素不產煤十數年來東鄉之松溪晶塢二山
煤礦盛發居人取之以供燒煨石灰之用特未以
供爨燎炕雖未聞烘窰倍非寔作詩研物理譌言幸無
噓

答張二秋暉次韻

住京恰千日朋好每相聚兩見文潛來曉夕未同處春

風如逝波汨汨逗紅雨感物速尋歡爲歡未勝苦昨宵
新中酒壘塊消一吐晨起腹枵然賣花聲叩戶新詩粲
在壁光氣發剡楮誰能默無言不一置客主倪髯日同
遊涉筆生蘭杜神移海上琴目賤洛陽賈適意乍閒吟
卽境無旁取翕附非所長亦不作涼踞以此送清曦共
聽統統鼓微言慰離索知爲知心許

乙巳三月送高二樹庭旋里用倪二韭山韻

解纜憶辛丑時三月十一清明杭州城高花開木筆倪
子海上來詩篋琅玕實忝附同舟行別家情可述蘇臺
攬洞庭靈濤沃雲日驚風渡揚子金焦兩雛匹洪河及

泰岱昏旦每接膝三分汶上水七分尚南出五月抵京

華欲歸竟難必敢辭爨桂勞共試餐玉術元冬課四門

大字榜君壹

樹庭考教習
取第一名

同調三四人若笙磬竽瑟以

後各無事四黃馳不失越虎兔龍蛇疎睦嫻任卹燕去

復鴻來歌腔還酒律家書君最勤一載廿六七還鄉君

最早欲騁春風驛我有還丹匣髹以洋金漆可避風塵

喧日親山水室高材先得之懸鱸作倡率

樹庭以需次
訓導先歸

目送歸雲飛逸興浩難窒文章日下名畱與童豎悉作

詩寫胸臆理疎情最密家園萬花深持往庶詳質

讀蘇詩戲作卽用和子由論書韻呈九山

坡詩瀉真襟質語每稱我幽人及腐儒閒出無不可淋漓逞變怪隨物見圓脩本是香案吏使君健且娜對君言小臣門生號亦頗寓跡或詩人賦客足豈衰時傳老夫語老人振纖麼子以姓自顯翁爲兒所荷書生匪云謂百箭著堅筈最著者東坡尊有先生夥老來每併書一起誦者情天人戲空霄不許追以跛雲龍萬鱗爪疲馬慢馭駢和仲及子平箋附邱明左

張二蔗圃欲得余所懸韭山畫紅梅立幅余戲舉東坡仇池石例謂若能以韓幹二散馬易之者蓋可許也越日蔗圃以用東坡韻詩來依韻戲答

燕山春事遲五月見新綠安得藥珠仙丹葩絳其足精

神喜見眉符采深隱腹上士臙脂戲累月難一感

非山題畫

句云北地燕支殷地紅家家妝閣點脣工無端飛上梅花格同在春風一笑中

不如雲錦羣騰

驍滿垌牧五花羸換酒易畫尚疑瀆美哉髯蘇仙護石
如護玉客矣公子賢棧有飛黃伏果落機穀中拈花眩
難卜龍驤本空空虎視奚逐逐君攜新詩來綺豔滿坑
谷似餘鼻舌意請息愛惡欲積霞羅浮邨煊染徧空曲
悟則捲之去轉語須捷速

玩月同韭山作

瑤華眞信友時到輒相尋予亦鍾情者裊裊戀夕陰澄

光變寒暑良夜忽已深身處松菊室心懷湖海潯明蟾
似識路導我行幽岑幽岑不可越霽宇常蒼森相對愴
無寐永言開素襟

遣興二首

吾羨皇初平幼遇赤松子吾嗤費長房未究壺公理小
成實害性炫術匪泰始豈如洞口羊可眠亦可起蜿蜿
雙龍春斯人長往矣斯道竟不傳千年扣流水

嘗遊層山巔卻顧滄海涯列嶼揚洪波赤日曜晴沙昔
者棲眞士於此餌流霞噓吸有至理蹊逕明且嘉脫略
蟻蠓氣周游太清家歲月遞遷易精力忽不加何當奮

康莊萬斛餐瑤花

七言古詩

題馬楚銅柱記

清晨試翻銅柱碑書體繆屈文淋漓作者天策府學士
跋者小長蘆釣師湖湘之南巖峒阻曾聞伏波駐五谿
希範豈其苗裔耶鑄金立柱高屢屢時逢唐綱解紐後
自王其地控百彝溪州刺史舊未服幾經戈甲相椿提
天福五年春正月向化立誓除然疑靜邊都軍勢懾伏
石蓮華臺形森蕤先徵九九百年記梟雄大率依附爲
次言歸明不侵叛疆里賦稅經畫之勿掠桑麻擾戶口

抒誠立誓徵神祇乃知溪蠻本易化總以生理相輯治
士愁盟言列於後傳教作頌何光輝後來分爭萼蹴廣
庶兄母弟相齧倚祇畱巨碑在荒服淒風積雨飄巖崎
偏州一柱閱興喪勿言藐小監在茲八十餘年移舊址
其時在宋爲天禧愁然果暘字譌誤足訂正史良有裨
辰州府治百餘里舊茅灘頭羣峒陞卉衣粒食飫

德教蓄畬貢稅樂阜熙新息威名且弗尚何況馬楚徒
羈縻摩挲碑拓辨點畫應與詛楚文同垂

海曲煙邨圖歌爲倪明經小山賦

并序

四明倪二小山寓都門作懷鄉詩分題十咏並請韭

山居士併畫爲一幅題之曰海曲煙邨屬予分賦猝
猝未暇也壬寅十月十三日偕衆客飲於酒樓酣醉
歸漏下三鼓月色如水泚筆作此錄呈韭山未知能
道出圖中意趣否也

君家何處蓬萊宮晨興延頸東海東桑田輪囷起太古
亭毓大雅開鴻濛儼然一曲成幽聚峩峩高堂拂雲雨
堂上洋前玉瀋流定有畸人插飛羽識君乃在長安街
輕塵集衣不可揩酒闌擊節話山水蒼然海色橫蕭齋
烏巖山高百尋峙下映龍峯攝潭水雲蹤蜿蜒蟠逸客來
湫底潛虬呼不起邨南巖薛橫者岡西挾蓬頂參翺翔

鬱蒸釀作百花氣湛湛楓塢渲秋霜金穀崖深層翠溼
細認桃源從此入蒙溪一綫如長虹清水澄潭湊潺湲
靈區奧境蠟屐誰謝家丹客吳市梅其初汪洋大海水
極望萬里無津涯夢想瀛洲今幾度家山亦復饒煙樹
同作浮萍土梗遊茫茫海曲知何處龍眠皴點傳秋毫
千絲萬縷一筆繰客牕寒色絢丹碧宛如置我層雲寮
延繇十題屬分咏我醉無棕腕偏勁想因邃域總牽懷
得無妙墨眞移性吁嗟大地作海觀天雞鳴處高煙蟠
就中著邛邛著畫此身添入圖中看五嶽蒼筤能遂否
試闢巖扃開四牖酣歌寄興海山長落日金臺滿斟酒

秋齋玩菊約諸同年同賦

君不見齋頭叢菊紛踟躕分行列隊天姿全今年霜遲
開自早離離萬穎搖風煙朝來西山淬巘嶠夕蘊霞氣
同渲研豈惟花作隱君子根苗莖葉皆能仙結根不知
始何自居士未來花已先齋菊係舊種計
發花十數年矣土膏涵滋醞
釀足早有香氣凝重泉春深茁茁頗攢簇柔青嫩綠含
貞堅羣卉爭時不遺力潛萸一顧無諸妍幽籬疎莖自
挺立有來乞者諸同年今夏正白旗學舍
諸君來分花種鴉鵲珍重暫
分餉雲鬢玉幹森交駢當其金晶氣未到亦若蓬垢同
煩煎九霄澄清珠露發煥然彩葉摩高圓乃知神機自

藏蓄益信妙諦無拘纏陽精上挹日杲杲雲液下注流
涓涓青娥遠挾冷可耐白酒近引溫無延齊山開口覓
大笑石湖綴譜窮芬鮮勞情蒔藝固有法滿頭坦率非
眞詮何如清齋日看此看訖且抱琴書眠

題心齋印稿爲宣城張上舍季和作

吾邱已去篆鏤空邃學之士眞難逢家家羅石列印譜
大冊架屋浮殷紅豈知鐵筆有自始心精刻鍊藝乃工
凝情合氣在卓立鈎勒一一模其胸大者忠孝貫至性
沈浸經典參磨礪形神敦樸格樣古得益非僅鼎與鍾
溯從官私重標識碾玉鏤象鑄有銅古文第一籀第二

小篆入用隸法通平方不欹卯金式唐代回曲多奇蹤
瓊文辛卯石花乳宋元兩著元章翁安圈立款各有以
陰文逼邊陽適中若言剔缺作古意贗古詎以形摹同
昌黎爲文略識字每憶載酒成都雄宣城張君巾箱學
六書確詰堅曾攻閉關不肯侶儕俗練思直欲超鴻濛
行三千里祝母壽彩衢聯舞斑衣濃手鐫壽言數盈百
襟經帶史橫以縱張君以祝母夫人壽來京師余識之於岸舫齋讀其所鐫壽言經史成語
計百平生探挾向窈窕敬因上壽抽祕衷想其排文奮
填廓赤日當牖舒光熊鐫成高張玉色壁衆賓抃躍迴
青瞳袖珍示我舊刻錄苦心志士開其宗心齋印稿以志士多苦心

印弁其首虛懷誣諛索題句媿予昧目忘西東圖描柳葉臆

難決鋼鍛菊花腕尚慵那能跟肘辨缺月祇見銚鐸垂
文虹此中一得差共證道藝總以精誠崇宗經法古謝
斷港顯揚盛業形聲融君今用心有若此往哲方駕夫
豈蒙頗聞歸帆去已亟惜未傾篋叩始終學古編存細
搜剔蟲文龜紐臚不窮煌煌陳倉古法物偉績千載躋
鍾鏞儒生講解志其大釘形元腳知安從歌詞蟠屈寫
硬筆試學長蘆贈許容

許容精篆籀
見曝書亭集

庭草爲僕人所除韭山有詩次和

東君作意無南北纖草黃花工組織盈庭燦爛曳午煙

巧解客愁春得得我憶前生衆香國琪枝瑤藥無消息
偶資入夢悟葳蕤稍助搖毫驚閃艷蕭然一榻自坐起
欲借蒲團證空色歲晏王孫尚不歸日暮美人殊未卽
貿然芟此豈其宜繩以耒蘭叵爲刻前園蝶夢知心久
飛去飛來斯及旻一朝斂翅曲欄斜雨氣日華迷不識
僕人初至詎識此如風掃籜秋多力有意蠲除積翳空
不畱滋蔓牆陰直鷓鴣乘時暫未鳴杜蘅在宇剛宜植
爲效良農去荼莠竟忘慧眼無柴棘幽人惜花兼惜草
感物抽思浩難抑西沼芙蕖近最妍翠柳垂樓遂不惑
相從一酌散遙心千里江湖愴生憶

辛丑閏五月送倪二韭山游汴梁

後以潦雨未至而復

長風吹雲東海東
蓬蓬山氣恢鴻濛
光搖星斗倒著胸
出遊萬里攀璇穹
屢躋忽起到漸崇
翩然卻出窺華嵩
坐席未暖塵未搯
汗揮六月暑雨濃
問君何爲劇匆匆
青鞵裹足手赤筇
難忘少室八九峯
排雲逸興僊侶同
欲往從之渙厥悰
朋交磊落山水雄
阿誰能止車轄驄
君言余意尤忡忡
雲輝日躍馳天中
南飛慈鳥逐歸鴻
稻梁拙計遶路重
春當再出隨東風
我心百繞蒼山淙
耳根恍接濤江瀧
未能隨之如雲龍
矧敢出語留遙蹤
京華浩蕩曉色融
若木映牖翻長虹
看君匹馬侍短童

殘杯覆席曲半終卻憶來時捲征篷靜哦詩句粲發矇
眠雲坐水長相從

看劒圖歌爲張大丹華作

雷師逐蛇翩兩龍鏘然小石敲金銅虎毛壯士立階闥
赤手拔出青芙蓉波閒鱗爪斗閒氣古之識者聞張公
嚴城遠館一相見雙眸閃閃圖繪同春風催詩捷如電
走馬穿度千花叢朝來剝啄鵲聲喜朗誦佳句驚雲鴻
步光搖景不可見盡在若人詩畫中憶昔曾賦漆園句
欲與黃老攀家風

戊戌學使試莊子說劒圖有云老子以之守雌守黑黃帝以之且戰且仙

拔第一名槎柯胸臆不可遏轉瞬石火多成空千金萬歲慎

韜匣上士九錡藏其鋒但呼斗酒過薛燭何必切玉摩
崆峒

題韭山畫曉山瀑布圖

健毫縮地移青灣頃刻置此江南山蒼蒼髯松深且靜
懸崖迴合如嚴關雲姿橫屯瀑縱下白光縹緲凌翠環
但見高人晨起服道服彈琴飲水哦其閒平磯剛許結
趺坐疎雪濺面珠浮顏此中未必遠人世詎如瓊島難
躋攀瑤粦玉脯咀未了紫闕沆瀣空濛濛我家越東山
水窟龍湫曉氣徹黛管奇峯層出七十二輕藤搖影飛
髻鬟森然結構澹若此鏡淨肺腑當清潺何須縛茅結

唐才子言行卷三
遠想有興直伴輕鴻還

題韭山畫山水卷用東坡煙江疊嶂圖韻

凌晨見畫如見山居士搖筆萬斛煙孤煙初起石一角
上有空白天蒼然須臾迭掃衆峯見白鶴飛翥同奔泉
少小深居倚幽谷中年迭出涉大川波濤掀空心目眩
一一來自蒼厓前枯藤老樹著溪腹或坐茂密窺長天
峭帆偃側欲千里陂陀凸凹妙鬬妍林際時時幾間屋
山根漠漠數頃田炊煙出簷鳥拍水此境位置從何年
君不見造物神奇富宗派浙山峻瘦吳山媚人棲其閒
意各足撈蒲挾策飽共眠借問石上二三子定有知者

知其仙叢嵐野靄溢襟屨頃刻不去深于緣我心悠悠
從此遠勞以歷落新詩篇

月夜卽事用東坡定惠院寓居月夜偶出韻

樽儲醺醖卷有詩手把口吟恆值夜蓬戶人無剝啄聲
晶簾月已玲瓏下長空萬籟希復作短杓一瓢盡更瀉
浣花麴米坡濃芬陰韻閒情迭相亞有酒不醉我何心
出語未狂人且借離騷豈因名士讀竹林會使山王謝
已屏紛紛萬蠻觸何論屹屹兩黝舍今宵幽意忽不愜
有似鄧顙截甘蔗擬焚筆硯光如虹欲碎盆罍響可怕
惟憐皓月最知心慎莫醉歌遭酷罵

風希堂詩集卷三終

孫榮圭校梓

風希堂集卷第四

東華稿

浦陽 戴殿泗 東珊

七言古詩

醉歌行送葉大栗垞還婺州

對酒歌慷慨遠行不如歸吾鄉之秀子葉子邂逅握手
登金臺來京未匝月蔚然文戰首列十八魁學書蛇蟠
復蚓結摘文鳳翥兼鸞迴黃塵何漉漉綠鬢交相催夏
徂秋去寒氣逼始能檢點敝篋歌歸來潞河冰堅大澤
凍蘄邱雪落遙林摧送行使我百感集半謳半泣霏瓊
瑰金華洞天屹天表我思作者何奇矯忠簡功成七十

齡北山伏熊睨蒼顙成公冲邃默成廉一派雙溪譚大
道唐四傑駱摠華鬱黃柳元大家文章有靈拂象緯潛
溪繡水披精葩遺文散碎待收拾何爲滯劣長天涯東
白山頭靈景發可劖穹巖種芝朮赤松飛去幾千年智
者定光畱古骨奚妨學仙學佛躡靈蹤何爲齷齪拘篇
帙走昔深居五洩山淙潭綵壁耳目慳東游慣控若耶
道西眺亦越嚴陵灘長風吹人魂膽裂懸峯盤礴無由
攀夢中時覲古賢哲醒來惚恍居然頑不知前生危坐
幾石室至今眼底猶覺翠柏蒼藤殷不知當年飄墮幾
塵劫欲求結根立命之處忘元關聰明徹底見我友家

具無多筆在手或者勁決遜前籌未必精華落人後性
真溢處驗古初靈妙存時宛淵藪東陽之東吾未到想
見切雲窟霧蟠林擘石其光拂拂足以輝牛斗君今歸
去豈無因生事豈惟田百畝長安酒肆朝酣眠貴游曾
無人往還評花譜蝶清興有時作浮楮浪墨不使半點
旁人傳氣岸如斯良不惡何必黃鶴鸚鵡碎以拳學至
婺州真足矣心縈江水長悠然吾歌可夫子其答屈指
買舟歸去須明年

風希堂圖歌

有序

韭山居士繪靈山建水之勝并繪風希堂於其中堂

顏係京邸夢中所得韭山既紀其事爲詩郵致金華
山中爲余伯兄五十壽撫圖讀文油然而生感爰綴長
歌敬以志謝時甲辰秋七月

風希堂乃在靈山之麓建溪之澣仙華東走百餘里峯

迴水蓄成邨聚越杭睦婺交其間

敝居在金華極北去諸暨桐廬富陽界各

十里鑿崖匯流成終古吾宗棲止已千年

余族唐懿宗咸通間居此約九

百餘年誼其圖者率環堵昔年九靈山房圖高風漠漠動

吳楚

十四世從祖九靈山人游蹤所屆輒懸九靈山房圖右丞周伯溫篆額豐城揭泮四明烏斯道皆作

記

旅夢今宵三字成敢將隔代希鴻羽雲林山人腕力

豪摹崖範壑疑親睹知我鄉愁不可羈知我懷兄如晤

語煌煌椽筆寫煙雲緘寄新詩壽伯甫一心逐鴈歸江

南以手拄地拜且舞寒門瑣末豈足陳世系頻仍尚堪

數唐家東浙建節旌浙東節度使唐書職官志不載唯見地理志中遠祖西來

肇韋杜吾宗唐以前不可考初祖諱昭居杜陵為浙東節度使遂居越兩世避地葺雲

山鄉自陶朱官鎮撫節度使子諱堂官鎮撫使自越之陶朱鄉徙居九靈山下東鄰

洩水瞰龍湫敝居十五里為五洩山有五瀑布二龍湫及七十二峯之勝西接金沙

走鶴嶼西十里為金沙灘湖湫溪又西即富陽棲鶴莊烏傷一角分何年浦邑自唐

天寶間由義馬足鮫鞘新定宇鎮撫公策馬攜劍來居於此因名其地曰馬劍

又曰馬建甲科連綴北南宋篇帙荒殘散芒楮廿八世祖志遠公諱徵登

宋雍熙進士廿二世祖世遠公諱堯民登南宋紹興進士邑志皆失載見天順閒彥瞻公手輯家乘中交

游早著北山鄭

鄭北山剛中有渡金沙灘詩

後此柳吳聯縞紵

世祖十五

景和公諱暄與柳文肅交柳有游五洩詩實主戴氏吳有贈戴仲游懷子壽詩仲游諱泳子壽諱榜皆子族祖

名賢託蹤久棲遲

吳淵穎客授馬建山中見柳待制送白彥昭序宋景濂游五洩亦主馬劒

水色巖光共吞吐老人入夢著靈奇蕩釜山高鉞子午

九靈山人曾祖諱錫求葬地積年夢白鬚老人指一吉地子午向求得之蕩釜山

於時磊磊能

軒公幼出就傳無寧處

九靈山人字叔能一號能軒八歲隨姊氏住邑城游學去家九

十蜀山訪道歲八週

山人從柳文肅游凡八載柳卒持心喪三年烏蜀山柳所居去家百

三十受業黃吳幾寒暑

黃文獻居義烏吳淵穎居深裊山山人皆遊其門

忠宣

衣鉢凜師承東海潛蹤賦禾黍

山人學詩於余忠宣公為書天機流動四篆

以名其軒其後忠宣效節安慶山人迹跡四明山中擊節賦詩有黍離麥秀之音明祖召致卒不屈節交

胡友宋名益高侶王儕丁氣彌樹

金華胡仲伸潛溪宋景濂義烏王子充義

門鄧仲舒言公金石友晚交西域丁鶴年

中年淮海晚慈姚兩涉鄉關歌故

土

山人年四十餘寓吳門已而奉使泛海乞援於擴廓軍晚遜蹤四明山於鄉土唯兩至云

當其溟

泮黑水洋九死相攜實吾祖

山人泛海時獨攜從子與俱爲予十三世祖諱溫字

直原十年伉壯化謙柔烈烈風徽正學序

方正學有贈家戴原直序

園幽曠宗祠頽遺址常畱屹先緒

山人捨宅爲宗祠後燬乾隆甲午伯兄襟

三始謀於族衆卽其基建新祠

仰顛踞麓搆宅新堂序縣延驅雀鼠

二十

世祖伯初公諱侗永樂閒始於舊居之東建新居今永穆堂後宅也

遺文卅卷有神護豈

使祝融煽炎炬

九靈山房遺集正統閒彥瞻公所刻後燬伯兄仲兄力求得之王辰歲重鐫梓

行世中多潛跡晦弗彰亦有簪纓綰華組臨池讀畫天趣

全

仲積公能文工書畫見書畫譜

世業活人仁義許

仲積公以來世傳醫業九靈山人亦

善醫從子原禮公官太醫院使太祖稱之曰仁義人

五馬方州惠澤聞

族祖子迂公諱垠洪

武間官黃州知府轉徽州住東橋下曰下西宅

百里仁風勤恤煦

十世祖延用公諱珪宏治

間任慈利知縣

峩眉岡頭霞氣升

九靈山分脈鬱起平岡曰峩眉岡在舍東三里

瓊花

園口嵐光溥

舍西北半里有林有阜平岡陂突曰花園口

屏分嶂列尚儼然

蓬勃風聲鸞鳳翥賤子顓蒙百無識起憶前蹤思健舉

少小聞歌斯邁篇書籍有靈任挹取京華滯迹經四秋

翠牖雲簷渺何所月明不乏鴈書馳未得歸來奉醬醕

唯有聯牀石友心家業門風話夜雨堂名恍惚幻與真

盛意相箴作衡矩誓將排輯付丹墨不使虛言負梁礎

時雲萬片淨空來曠野蒼茫少煙溼寧待尋幽過鹿門
只應泛棹趨鳬渚峩峩者岫沄沄波側身極望長延佇

風希堂圖後歌

有序

甲辰之秋嘗作風希堂歌以抒懷鄉之思意有未盡
重爲後歌一篇綴敘浦邑先民遺事誌不忘也旅邸
無書可檢不無脫略聊以見梗概云爾時乙巳四月
倪髯作畫首論理筆端垠嶠千峯起圖中一尺兼一寸
浦陽江北真山水客居把讀百不倦舊夢茅齋森可紀
寒宗且莫論千年山邑尚當徵百里鴻蒙初闢山骨成
少女一峯傑鬼巋飛昇拔宅餘丹光云自軒轅之帝子

少女峯卽仙華山相傳軒轅少女於此飛昇故名

我曾盛夏陟其頂灝氣剛風

挾太始念昔人文未開日扶輿盤礴孕譎詭耳目淺近

舊蹟湮書軼有閒傳者幾惟餘南江發西巘出入萬山

作經緯

浦陽江在縣南發源於縣西三十餘里

我思漢時楊武陵撫綏溪

峒輯羣蟻

邑人東漢楊公璇爲武陵郡守翦除峒賊威惠並著見范史

我思唐代陳

太竭孝洽馴烏式鄰里

陳公太竭唐人以至孝稱有馴烏芝草之祥

高風長

在宇宙閒欲尋住宅無基址文章經術盛有宋忠惠著

書溢牀几

王公萬字處一謚忠惠居邑東之深溪宋時以經術鳴官尚書著有易詩書諸經說及詩

文集若干

正封世封筆最豪議論淵源屹根柢

于公正封世封

居邑城爲歐陽公所賞拔余嘗於于氏族譜中錄其文數篇

梅溪雙忠炳史策隻字

無存爲國死

梅公執禮字和勝居邑西之梅溪官侍御史靖康之難募死士謀夜出奪歸二帝不

克而死猶子溶官助教先死於寇難侍御公與李忠定

友善梁溪集有與梅和勝書云丈夫志節在于素養平

時如虎臨事尚月泉與月同盈虧精舍一區映寒泚紫

患其如鼠云云

陽倡道曾來遊合羣講學東萊氏

月泉在城西里許水有靈蹟隨朔望爲消

長上構書院朱子與呂

斯文漪瀾日以大存雅堂高拂

蒼巖

存雅堂在縣北方鳳字韶卿所居方爲有宋遺民與謝阜羽吳思齊往還嘗結吟社於月泉有詩三

千餘首今存者百餘

弟子柳吳皆入室靜儉鴻章國宮

首曰存雅堂遺稿

徵柳待制貫晚自號靜儉翁爲

立夫奇氣幹元造大游

不受樊籠繩

吳萊字立夫所居曰深農山房父諱直方官尚書嘗一至京師省親卽還山居今傳

有淵同儕傲睨乏許可獨挹田閒老居士

田居子黃景昌居邑之十

八都經術詞藝為淵穎所推伏自及門二豪分二代天

宋潛溪作傳時已慨其無存矣

機流動軒早圯先祖九靈山人與宋公潛溪同出柳吳之門山人為元死潛溪為明代文臣之

冠各行其志也山人徙居邑城有軒曰天機流動肅政廉訪司余忠宣公闕所書詳見前詩青蘿山

房在何所平岡細流拂榛杞

宋潛溪自金華徙居浦邑所居曰青蘿山房與義門

鄭氏鄰藏書最富余嘗至其地平岡蔓草片瓦無存蓋自公西徙宅已旋毀矣美哉孝友麟溪

蘋崇薦師資義何煒

義門鄭氏自宋時曰麟溪翁諱綺始居于浦同居十三世家規炳然

元末延潛溪為塾師規制益備鄭氏祀公于宗祀之右每朔望必先祭奠至今弗替前輩之風澤長矣當

時負笈來游者天台正學直如矢

天台方公孝孺從事潛溪公於青蘿山凡

九年孝感泉際元麓山東明書屋今猶峙

東明書院鄭氏子弟肄業之所

元麓山在麟溪之源有十景皆潛溪公書壁窠大字刻於石壁孝感泉在其側

嶙嶙白石有山

房勁氣不省作骹骹

張公丁字孟兼居白石山房性勁直官僉事忤權貴死今傳白石山

房流風遺澤多照曜未能一一綴顛委類非纖微一世

事凌雲之檄拂波圮考爲鏗鉤嫵鍾鏞敷爲藻瀾飭黼

綺調爲甘和洽淳管鬱爲芬醇颺椒茝上窮氤氲扶渾

元下被澤壤醒喙岐其光萬丈騰非虛有作千載靜可

俟細尋厥源豈異術披摘星斗良有以文肅實登仁山

堂

先儒金華金仁山諱履祥

淵穎亦侶白雲軌

東陽許白雲諱謙

首以忠義

導性路繼之博辯廓道體巖壑儲靈蘊斯發專精不逐

異物靡文華最貴理在斯蒼萃一邑未云侈賤子漫遊

多夢寐寐憶前徽不能已三千里外圖一角夜雨挑鐙

風希堂詩集卷四

四

莊論此去年作詩述鄉語我思我歌一家耳餘情緜邈

實靡罄俛仰山川達斐亶潮溪自昔本通潮

浦陽江一名潮溪志

言古時潮汐到此

三江鴻洞浙岷比

韋昭註國語以浦陽江爲三江之一

大盆東

白軒翥來

二山在東陽閩郡諸山由此分脈

淡竹白巖橫翠紫

淡竹嶺高五里

敝居至縣必由之白巖嶺在其西

湖汰溪頭暮靄深建水一泓湜沼沚

興歌重證風希堂茫茫大地吾何似

屠大潤芝題其學舍曰小於舟卽用東坡詩韻賦

之

曾稽墳典誦索邱瓊琚玉珮琤琤舟捫胸汪洋潮與海

欲摘星漢隨槎頭延裁大舫拂鯁壑轉帆捩舵能者羞

偶來棲身一環堵展轉容膝地未優順乎天機聊鼓舞
聽其泊宅爲休游鳥語風聲皆入律窗舍雖庫多藝術
照乘蛇盤大小珠分甘蜂餉中邊蜜倚檻猶疑綠浪生
挾篙卻似蒼灣屈澄坐羸無百丈勞直建神氣爲旌旄
船頭研丹酌廣雅船尾把酒歌離騷海若無言河伯恥
高馬長鱗慎且箠依形託象恍有遇屬余賦之曰唯唯
君不見暑空總在天地中大澤雖大與有幾何妨姑以
小自程何妨借以舟爲名崇閎傑閣拂雲起借問胸中
孰重輕

買菊吟

一豪家招賞菊不往次
日買數本看之感賦

菊爾何不生於蒼岑之陰清溪之隩道人澄心展素書
日嗅微香看不足又何不挹彼太陽之精瑤光之英潛
形匿曜入寥泬不以玩好供餅豐何爲碌碌滿街市擔
頭束縛泥團莖施爲屏幃耀凡目爛如雲錦恢秋晶微
風吹衢塵拂拂香蘂染衣生色活荊州地誌譜爾彤笠
澤閒人賦爾質生平偶逢陶靖節露真面目稱隱逸不
然羞比水仙王難薦西湖處士室空霄澄寒天欲霜傲
骨際此神飛揚幽齋手拈作微笑買自金臺大路旁一
枝入簾足風韻餘者雖多吾不問花傭慳以種貽人插
蒿作根接香暈花傭花傭爾烏知菊之生也有自來妙

無花處花斯開裨販隱士何爲哉

送鄭雪濤經歷銚之官貴筑

君不見黔靈山高高入天石門颯杳蟠雲煙都泥江寬
翠虹舞南明清水波交聯牂牁古郡溯厥始深箐密篠
相鉤連天文參井梁州邊楚人略地道始鑄夜郎曾入
唐蒙醬且蘭首椽莊躋船茫茫弔古訊舊蹟銅鼓作響
珠巖懸京師迢遞路八千有客筮仕營滕篋珠玉一朝從政
古洞眠呼叱羊石耕鹿田詩腸清癯篋珠玉一朝從政
恢吟鞭南遊行抵鶉首次北拱旋別析木躔詰朝過我
問古典滇東楚西曠靡詮龍關雅關跡未到星石船石

形誰箋惟聞泣土及寓跡漢有劉寵唐青蓮前明開疆
傳穎國僻驛過化陽明仙獅峯將臺屹天表龍岡書院
峙不騫文章勲業照青史茶蘭竹雞曷數焉君行騰蹕
此伊始爲訪玩易窩中泉暇時龍坑詢筑邑中有駿物
鍾蜿蜒飛越峯圖在天府雄驤一贊潛溪傳貴筑有養龍坑出龍駒馬明初嘗以入貢賜名飛越
峯繪圖藏之金華宋潛溪有贊花苗犴猪笑未識佇看
紀異郵詩篇

五言律詩

渡黃河

帶水與天通春帆一翦風氣凌南戒闊派總北條雄柳

葉沿隄翠桃花入漲紅平生濟川興擊楫亂流中

過趙北口

已接蓬萊近言瀕大澤雄茭蒲原有利舟楫乍能通水
入晴霄際人游綠鏡中掣鼉懷往事爲仰釣臺風

宿雄縣南郭

沽酒燕南滋聽歌趙北城來尋射虎客忽聽賣魚聲赤
漢高風近滄浪大澤平鱸蓴何待憶旅邸自塵清

倪九山

象占

爲余畫石宛似五洩山中卓筆一峯

小詩致謝

五洩一畝峯劉生昔化龍至今潭水側波濺玉芙蓉石

勢何由見雲林此日逢未知
皴點法徑欲卓疎筇

夏日雨後小集

恰值新晴後羣花粲一堂
無塵風自潔有露月俱香
室與人胥遠雲看鳥共翔
不辭杯酒數疎葛透輕涼
雅會徵蘭葉良辰試藕花
綠陰濃自媚紅麴軟頻加
極岸迢迢水遙天漠漠霞
風前增遠想莫怪醉容賒

霽後小集疊前韻

時來眞鼎鼎春去惜堂堂
日下徵歡會風前遞衆香
簷疎殘雨落座密霽雲翔
小詠參幽意深談入夜涼

五言排律

和韭山雪水茶二十韻

絳雪餐何處瓊宮住匪遙點茶思沸沸汲水謝朝朝冷
送三清夢輕霏六出條入壺看玉萃歸甕識雲要遠壑
芽抽緒初陽穎摘茗焙餘緘綠筇淪處待紅綃舊挹南
冷柁新斟北斗杓小盤疑汞化復帳供金銷舌有天根
溼眸兼海曲潮煎濃聲自密飛急勢猶跳貯月雙銀盃
撐腸萬錦標白芒輝古墨黃露瑩仙瓢煥彩團龍餅霏
煙畫鷁燒薰爐沾汗溼文縵隱香嬌僻笑和梅嚼狂嗤
借酒澆春臨纔浩浩風過亦蕭蕭有客騎驢暇同人控
鶴招好詩澄肺腑密室煖醺貂汁共諸泉滲精先百穀

邀餘甘清苦後絕品話深宵

七言律詩

裋糊寓室新成有作呈韭山

客塵局促意難勝巧匠相過睥睨升分遣蝸涎泥色壁
勻添雪汁研光綾疎牕月朗行無蠹斗帳風涼集避蠅
一笑鑽研良有用策勦今到剡溪藤

對雨作

煙凝萬戶小軒開際曉清陰送雨來歸燕拂林翻翠壁
閒雲著地點蒼苔庭幽已識秋先到衣冷偏驚歲欲催
正憶鳴榔江上客濛濛簑笠信沿洄

遊仙詩四首

癸卯元旦作

家在金華古洞天，雲屏稠疊小遊仙。
浴洞馬澗拖紳水，馬澗，蛟居地名。跌蕩龍湫瀉瀑泉。
玉井含丹燒夜氣，華峯積焰吐朝煙。
嶙峋萬點芙蓉紫，來到清虛曉夢邊。

南山萬仞北千尋，夕羽還林曉出林。
茂竹團團成小聚，長松落落寫幽襟。
雲盤洩嶺披金匱，風激湖溪響玉琴。
白朮有苗黃獨熟，聊將煮石試歸心。

未驂靈翮駟雲虬，誰信人間萬里遊。
懸圃九成天可接，蓬壺一曲水長流。
彤骸偶爾相隨住，閭闔居然最上頭。
安得澄溪追道侶，瓊漿玉餌恣尋搜。

仙家祕籙世無存一卷黃庭靜可論並世共誰尋逸格
教人從上覓靈根華芝定向林中長甘醴無須舌底翻
白鹿名山心事遠舊遺鞵鞮在雲門

乙巳二月作花朝二詠呈諸公

祝花

一花身是百花身萬樣春成一樣春般若臺無攜鉢叟
藥珠宮有皺眉人依欄只恐風吹急把盞聊從月照頻
眞是霜酣兼雪舞幾番磨鍊作精神

花答

玉皇案底認前身忽忽三千六百春作伴誰憐醒後蝶

相思同似夢中人
換來骨子熬彌甚
開到梢尖笑益頻
多謝凌風添綽約
韶陽不滯老花神

五言絕句

題孫後齋教諭寄象圖二首

敦艮堂

周象厚成終義圖
氣通澤堂中攝臯
比更講連山易

三壬書屋

早識壬爲任攤書
四壁青古來三大
擔得意在橫經

七言絕句

後栽花咏二首

種樹書頻袖裏開賣花聲又枕邊來十分色豔從天降
爲有輕陰細雨催

靜院疎疎不染塵綠煙濃後轉含春最憐曉起天如鏡
一朵花開一美人

春晚卽事

煖入閒庭試袂衣江南此日已花飛綠楊踈地黃鶯語
怪煞遊人未肯歸

別秋四首

贈行詩筆未停揮只少輕帆送客歸帽影鞭絲寒色外
綵箋偏又餞斜暉

陣陣飛鴉葉葉風拂天霜氣斷孤鴻朝來展得江南信
正說銀蟾萬里同

易盡今朝十二時星華燦燦漏聲遲秋悲更復悲秋去
懷抱中年說向誰

談笑秋牕展一鐙忽驚料峭捲衣稜風過氣靜無聲別
此意歐陽賦未曾

春愁

舊草萌時春半回鴈聲幾度帶雲來閑愁此日如花影
未必東風掃易開

楊花

不鬪鮮葩不附枝碧空搖颺任飛絲直教根蒂無黏著
纔是花心爛漫時

風希堂詩集卷四終

孫炳章校梓

風希堂集卷第五

翰苑稿

浦陽 戴殿泗 東珊

五言古詩

貞女篇爲鍾吾高氏聘婦蔡作

山頭女貞木翠葉何離離下有不轉石上有孤鸞枝棲
鸞瓊樹陰脩翼靜自葆知共長離飛不識鸛鸛好弱女
出蔡族牽絲字高門玉樓召何遽長斷閨中魂斷魂何
所思惟守從一義母也實天只精誠遂厥志素輿爲迎
從麤經爲資裝明樽爲杯盃總几爲闥房茹荼荼益甘
餐藥蘗非苦堂上有尊章怡顏奉肴醕弱弟漸成立幼

婦懽同居他年立佳嗣泉下慰哲夫健可持門庭勤還
撫鉞術嚴風刀尺聲落月澹幽室琨玉自言潔秋霜白
言清孰知蔡貞女婦道克有成向校天祿閣彤管義始
燦試歌孤鸞吟用光列女傳

題梧門圖爲伍堯祭酒法

式善作

庭邊鬱奇樹光彩森陸離布葉分陰陽垂梢拂雲霓云
是龍門種來從大荒西歸昌飮竹實翹羽茲焉棲早入
召康詠葦葦何萋萋先生少年日肄業及此詩車庶馬
復閑偉哉卷阿詞文采三十年碩學世所師憶舊繪爲
圖積翠連門楣草堂顏帶綠蘊靈山水涯琴枝與圭葉

森挺定十圍。日色乍照曜清光。滿郊畿前脩重幼學蔚。
爲壯行基棠陰且弗翦矧念離經時滋蘭攬珮茝初服。
多芬菲請絙朱弦曲勿忘鳴鳳思。

題雪泉圖四首

我識方蘭坻胸具萬邱壑崢嶸雪泉圖云爲曹君作霽
色高凌兢萬斛雲端落其人槩可知寥天聳孤鶴
我讀石門畫忽夢浙東山山名曰五雪蟠踞杭紹閒奇
峯七十二森峭拂煙鬟龍湫東西並泉聲冬夏閑
靈泉曷號雪妙義取形似如運億珠璣從天擲潭底仙
人謝元卿采藥吸石髓劉生化龍蹟縹緲杉松裏

有唐闢禪院敗桷至今存伊昔宿琳宇寒飈灑夢魂昔
遊眞非幻今畫幻逾眞是雪卽非雪飛泉蓋有神
如聞陳老蓮曾畫五雪卷巖容各凹凸雙泉瞥如電一
夕攫去之巖容迴散亂我欲乞方君補此千尺練

聞從弟

愷

從姪

賢

十姪

攜

幼子

慈

同補博士弟子

率賦

昔余遊京華兒等年四三

辛丑年攜四歲慈三歲

迨至十一二久

客曾回南攤書嚼字義謂免白丁慙前年寄文來清氣
頗涵涵昨歲閱所作攜善慈不堪我旣乏指誨誰其屈
稽探今聞拾芹訊二子袍偕藍從弟與從姪雋若新與

驂庭前誦讀聲從此亮不弁積年心慊慊略可慰所耽
今茲已弱冠難可容頑熬書樓溢萬卷光氣凌鄉聘當
世有鉅公皆從此中參我恨不畢讀付之汝輩諳慎哉
從兩兄

謂長姪聰
次姪聘

茹葉如春蠶

初度感懷

對酒不敢飲懸琴詎能御四座且弗喧聽我歌初度我
生志量窄淺學苦未裕只可作童兒那堪鬢垂素靜念
入學初六齡辨章句十歲作詩文十三慘孤露因依母
與兄過失默自喻十六遊庠後出遊莽馳騫從師萬松
岡訪友三江渡汗漫竟無得十九始歸娶潛蹤盤洲雲

吸清靈山霧抗懷哀班馬搦筆綜韓杜高風洛閩書至
言靜相悟願學乃不成邂逅逢獻賦登臨雖匪廣頗領
溪山趣自從來都門舊業荒屢屢分校三年久候銓百
里屬丙午贅賢書歲越四旬數寒風悲泣血息影松楸
墓酉戌兩出口塞山屹煙樹辰年始釋褐蹇足瀛洲步
舊事如夢多新愁似雨附春光最多情花月勤相付一
萬八千日去作煙霄絮後來其如何大宇渺吾寓人生
讀書史植命在何處耽安固自敗附熱亦多懼翻羨孩
提時知能非學慮願得二三友將伯箴予誤年華有如
此未敢諉遲暮

東川行

客來從東川殺氣橫方州屯兵逾五萬蟻虱生兜鍪叢
山何峻險賊勢同拘囚尚羸十萬餘決鬪死則休請言
致亂始兵燹訊厥由志士爲悼歎良民盡螻蟻豪家擅
鹽井雜聚傭保僇禺莢四民利操作衆姓稠湖襄應軍
需州牧資厥猷惟地有蝸匪蛇蝎潛難搜行商窘逢劫
急赴鹽徒謀設食解散之幸勿膺戈矛牧也坐堂隍謂
可攫厥賕拘執其豪魁罪之以窩畱城門忽晝閉桔橰
方環投衆徒意弗忍聚跪哀相求羣蝸聞之怒呼朋起
相鬪遂招荆湖羣摧城掠其酋遂攻州解舍以牧爲仇

三言全
離大府倏聞變調兵數百道馳驅幾孱士欲敵萬鷁驚
從是搆兵端嘯集益相揉哀哉州及縣四屬無寧甌上
將宿重兵討捕越春秋殺戮非不慘梟決未足酬大角
動兵氣懷惻何時收么麼本恃險螳拒偏多籌獸虞在
阱奮魚防脫釜游汎復雲棧外褒斜夾巖陬東鄉接西
鄉聲勢潛相咻盛夏卒揮汗高陵馬脫鞅試問牧民伯
何以嚴干掇

送應次峯大令

丹詔

之任義烏

邑宰實重任

帝以百里寄親民爲職業備理六曹事所要在風俗其

次剔利弊稠川吾梓邑民性不凋敝應侯延平來儒術
燦彬蔚將爲生民賀行見文學治請陳斯邑風土地實
廣殖其西近金華其北鄰諸暨近婺質自淳鄰越氣稍
鷲郡以烏傷名孝德始秦世楊璇暨駱統政績多自致
最偉宋忠簡宗氏尚後裔文獻黃與忠文王兩賢儒業

萃前明之季年南塘練武備所用義烏兵氣壓幽并銳
良由俗樸厚導之隨所肄方今樂太平重在文德懿循
質扶以忠還淳剴厥僞知君所優爲古稠儼生氣地饒
棗與薑民力勤種植平日或擾之端在胥與吏倉穀糴
過三糧耗徵逾四願懲股削徒用抑兼并氣書院繡湖

濱文風邇久瘁谿谷或囂訟良因少識字願儲千卷書
師儒振醴粹金臺一杯酒旭日照征轡俚言臚土實藉
證龔黃志

趙恭毅公世德詩爲公元孫舍人

懷玉

作

忝交億孫久請讀先世碑授我以賸稿凜凜百世師復
展頌德冊纂組千文爲錢塘項生

溶

作秀水朱氏

竹垞

題閱世近百年重裝襲以綿當代有巨手一一攄新詩
我思恭毅公撫浙厯三時並溯藩宣日亦未匝二朞吳
山映湖海高寒峙崇祠仁恩公之貺直道民之思是何
感人速淪浹到髓肌

國當全盛日賢有不世知天與經緯器人欽耿介姿剛
大露風骨愷惻揚光儀當年所釐正曾不遺細微民命
在官箴是公所力持此道關氣運蔚爲太平基項君所
述者泰山一毫釐卽如訊紅苗移節楚南陲先撫而後
勦入告決所疑來歸三百寨均以不治治其餘迅湔滌
旬月定指揮苗有生人樂環疆免瘡痍始知經國手因
時愼厥施治楚如治浙還朝振風徽臺端肅百僚農部
謹度支問公所自奉童冠布爲衣問公所畱錫閭閻昆
仍貽造福不望報天地終無私舍人寶遺冊舊德良在
茲請誦史公言高山嚮往之

縣令

縣令古攸重實惟民之師老幼視厥養良莠兼所治環
境越百里舉手全界之一千三百縣足盡宇宙規豈惟
督租賦豈惟勤鞭笞屹然備文武保障非繭絲不見三
縣令殺賊無子遺夔州有奉節利川及恩施桓桓尹

英圖

陳

春景波周福

姓氏

九重知何曾學干楯忠義奮發爲親民民所倚勵士士
所毘一戰掃蜂蟻再進滌險巖坐令川湖閒三縣先平
釐治縣皆若此賢十萬虎貔何民非縣屬何縣非民彝
建牙或避賊請歌縣令詩

東武吟

族子以簪纓餘裔淪爲僕隸相見長安道上爲之酸鼻欲拯拔之而未能慨然有作

勿彈雍門琴勿效楚妃歎人生百年中誰者無憂患舉
舉世族兒短衣不至骭相逢長安道酸風刮秋面卻憶
卅年前華堂何赫紉爾祖文場雄爾伯騷壇彥初生蘭
蕙叢馥馨添一箭方期家範隆詎謂時光換伶俖一飽
圖不悟執鞭賤我意實適辜掩目不忍見百計爲深謀
亦復少長算吁嗟才力薄無以潤親串天道知謂何倏
忽自變幻卻思青蓮詩五嶽起方寸

答陳卓巖茂才

維峻

見贈並送之湖北

山居與君家隔一衣帶水源出深裏溪波溢暨陽溪自

來偉文物今特班班耳君家儒素風夙未聆風旨京華
初識面蘭雪紛在梓贈我不知報瑰辭耀苔紙季冬湖
裏去凍雪戒行理以吞雲夢胸往閱江漢紀蓮花幕中
開柳色隄邊指明秋泛西泠一訊湖山美懷哉武昌魚
試寄陵陽鯉

寄同邑朱西崖先生三首

鴻鴈南方來翱翔朔雲中銜致尺素書前庭鳴雝雝瑤
章再四讀詞義碩且豐上陳道義範下訴離別衷良書
所從發窈窕仙華峯其時黃菊綻轉瞬逾秋冬去年曾
修函再寄心忡忡遙瞻碧雲澹與之爲無窮

仙華矗奇峯蒼莽積靈秀問誰遊其閒託始巖南叟

鄉

月泉兩夫子

朱文公呂成公

大道拓戶牖君今主斯席引手

攀北斗朝挹穹巖雲夕攬澄江濶從事已多人大業誰與剖著書希古昔湛然神明壽每憶前修言金華三不朽

言念蒲陽內人文當蔚起骨性誰最邁可與驂駟駟誰

修潛溪

宋景濂學士

文誰扶深裊

吳淵穎山長

理學誰烏蜀

柳道傳待

制

雄詩誰存雅

方韶卿文學

綺來者有斯志大雅庶不圯前

哲垂景光蕩蕩示涂軌樂羣倘一遇千古旦暮耳請翁臚示之雲邊日翹跂

出郭卽事

兀坐不出門曉食恐停積今晨有公事出郭玩山色牆
角鳴春禽天際漾空碧迎面萬芙蓉新香淡不隔同心
暢談笑僕馬久躅躑暮色蒼然至歸羈緩非迫鐙前並
呼酒未辨誰主客聊復戀嘉游人事如馳驛

七言古詩

題秋江垂釣圖

湖光灩澦摩青銅雙江盤舞如長虹濤頭拂雲秋色滿
扁舟獨釣之江東澄坐無言參釣理一絲垂空天在水
笛聲隱隱度遙灣笑指滄波月輪起

汪忻州 本直 重修元遺山先生墓田詩

太白酒樓峙東魯拾遺祠廟閤西川詩仙詩聖兩寂寞
遺山祠廟尤蕭然金源立國百餘載武績文猷輝渤海
野史亭隨雜錄空典章塵沒無光彩獨畱文筆照山河
麥秀遺音高唱多人傳詩並詩傳事中州一集眞巍峩
大節入元書不仕自署詩人遜詞耳蘇黃以後虞揭前
以詩而言亦誰比離離馬鬣韜前躅秀容山色明如玉
抔土長招屈宋魂風流晻映資賢牧

題觀潮圖

古今幾人晰潮理應月之說最得之天垂陰精水陰象

缺圓翕闢同厥儀海鰵出入語斯誕種胥追逐事亦疑
候因子午挾倪筦信挾肫望交春椎氣盈朔虛不失一
是誰布算精羸畸金行太白氣特盛抱朴秋減理未窺
此如明暉隨皓月大造幹運無參差或言廣陵及津口
扶胥黃木潮未奇之江雄豪甲天下龕赭約束增崑巒
斯談亦未臻理奧試探巨浸窮端涯昆侖一山屹天柱
四流四下歸溟池浮天載地四實一起伏噓噏皆有期
虞州禹跡據震位浙境所值真東維汪洋大氣所噴薄
正與漸水相蕩彌奇姿遂納萬渤澥素車白馬詞何卑
我家上流三百里寧篷狎浪如等夷定山漁浦實坦道

六和宰堵森如錐時登吳山攬怪獠桂香馥馥風披披
願探天根追月窟大觀藉作窮神資客投新圖起逸興
定恢胸宇吞瀛裨枚生已去謫仙遠倩誰鴻筆驅虬螭

貞女篇爲海寧徐氏聘婦祝作

詩共姜傳伯姬代山翠律聞摩笄貞女善讀古貞女之
貞古人所未爲六昏未備良人死志以養姑報夫子閒
關終克蹈姑門蓄懷已隔三年矣姑在博姑懽姑沒營
姑葬精勤瘁十指鐙昏月華朗生前不立嗣齋志益堅
苦盜空所儲胡不良疾痛叢之迫二豎言歸事雙親亦
旣終天年入門何嬛嬛畢命纓帶閒吁嗟乎嚼蘖非苦

飴非甘自行其志百不參作詩貽嗣子曷以慰此冰心
含

丙辰小除日洪穉存前輩招飲賦呈

殿橋南頭光燭空有客撰述於其中讀書萬冊行萬里
吐辭不與兒曹同曾見卷施甲乙集劒氣排雲何欬燭
鳥爪仙姑爛漫搔鯨牙海客連翩拾校書餘事溢爲詩
文豹全斑尚未窺卽今斗轉小除日效賈閬仙一祭之
高朋海內豪歌客而我何爲廁茲席陳酒深杯過百巡
新肴巨椀圍三尺興酣疑入琨瑤圃彩爆聲聲戛廊廡
梅花梨花參差開手掣星筭凌亂舞天邊歲暮春未來

列炬醉客何雄哉祭詩聊藉詩將賀禿管風生不待催

梁溪詩冢

有序

顧晴沙觀察

光旭

選梁溪詩賈君

崧

斂其賸稿埋之

名曰詩冢

世閒多少詩人墓衰草斜陽無覓處古來絕鮮墓中詩
光騰天壤相陸離晴沙精選梁溪作千百十家吐鉅鏐
代刪其人人刪句毅魄貞魂安所託龍山有阜高崔嵬
朱棺石槨墓道開閬仙生祭文泉瘞倣古人將萬古埋
唐選唐詩無李杜詎肯相隨入墳戶宋人雜事後人搜
破冢欲出爭相語諸家各有馬鬣封一邱何事從同同

獄劒光難拂牛斗淵珠氣或驚虬龍寄語騷壇健吟者
榮華飄風乍披寫荷鍾劉伶莫相惹君不見埋詩人姓
賈

巫山高

噫吁嚱楚蜀之交有巫山拂天萬仞何崢嶸詞人躓語
杳無據峯高石老非令顏噓風泄霧暗雲雨猿猱騰擲
於其閒要得真宰鏟疊嶂願訴厚媪鋤神姦君不見漢
水以南大江北千里人寰歎偈仄層岡縣亘出沒頻白
骨如山高不極誰遣赤子爲龍蛇誰驅鯨鱣脫網罟妖
蹤無定倏來去猱猱食人磨其牙高旗大纛喧鼓角屯

軍自奏軍中樂朝摺求添大府金夕書乞運神倉粟坐
看百萬爲沙蟲人血廬煙相映紅弁兵決胆不知數哀
哉浪死非精忠請言賊本么麼列奔走憑山事草竊二
千石果善得民緣林赤丸何足剗請言兵勢合始強避
賊尾賊徒翱翔老師糜餉亦何謂得非連營羊將狼噫
吁噉楚山迴旋蜀山聳屈曲江波自呼洵巴州逕逼玉
壘寒涪水波翻錦江湧殲渠扼敵貴神速勢險穴中勝
在勇十二連峯可乞靈慎勿髻鬟高自擁

法時帆祭酒示西涯詩屬和

夏閒同遊積水隈未知舊蹟原西涯深心考古創圖卷

令人撫玩多徘徊李公橋存煙水活慈恩寺遠林光霽
誰能眞像摹十友詩龕俎豆增詩材卻思茶陵輔政日
前明逸事堪愕哈孝宗勵精公始用直言痛切無依回
貴戚皇親遭指斥內官騷擾擿發皆逢時清平介若此
同受顧命事變恢條陳十事一朝上謝劉罷去羣小徠
涕泣乞歸竟未許劑調屈曲心欲灰保全善類熄虐焰
彌縫缺事鋤奇傀大璫改容轉起敬曹焦小豎何有哉
文襄特用反側靖鏟去巨蠹如摧煤功存社稷斯第一
憐者何用多嘲談當時倘使潔身去不去或甘嬰禍胎
苟全林下亦何賴以激成變更足哀大臣立身有本末

終期赤手除蛇虺有明末造恨太許如公正直神所懷
風流文采照九宇一代正聲古瓚疊聳牙七子有愧色
宋劉而後文之魁是宜馨香久益顯況復第宅近可推
表公心跡矯衆論附之詩卷掩復開年年過從石剝海
白蓮開謝鳬鷺來

五言律詩

盛暑憶山中八首

炎天何所憶最憶兩龍湫溪籟和簫發巖雲濺瀑流時
逢赤松子或著白羊裘那用青藤杖祇應露腳遊

炎天何所憶萬个憶脩篁徑拂三茅塢名古崖披百步嶺名

涼老杉揚翠幙敗籜覆深堂煮筍還燒竹清泉滿掬香
炎天何所憶松下石森森密草鋪爲罽疎泉韻作琴片
時紅旭度隨處綠蘿陰白酒茅檐熟看雲仔細斟

炎天何所憶絕頂攬仙華鐵鎖垂崖古仙藤繞嶂斜剛
風衣欲舞遠海霧難遮上界原無暑兼之極望矜

炎天何所憶三洞積煙嵐飛白懸冰字流黃瑩佛龕溪
從巖腹去雲向嶺腰探更聽鹿田雨淥淥萬壑含

炎天何所憶八詠敞高樓峯挹芙蓉峻溪翻罨畫流來
風必千里對月自雙眸此地聞鴻鶴

聞夜鶴聽曉鴻八詠句也

還思

曉夕畱

炎天何所憶，吠蛤稻花村。
西崦雲波合，前溪風露翻。
瓜棚松作藉，茶畹薜爲門。
向夕微霖過，浮香起菜園。
炎天何所憶，靜室坐觀書。
放眼隨今古，棲心任毀譽。
閒從細素外省得，性情初。
山海緇元亮，寥寥意自如。

直春及軒和陳少司馬梅垞韻

瑤島春常在，瀛洲氣自涼。
瀑泉飛雪遠，松粉拂霞長。
清齒姿橫出，游鯨意渾忘。
相從資學耨，點勘及三蒼。

七言律詩

飲抱膝草堂呈諸葛仲山

連朝風信怯，輕寒幾度看。
花春正闌客，倦每聞鄉語。
喜

情深況接酒杯寬
高懷抱膝吟何壯
遠想垂綸去特難
何日泠泠潑江水
爲君綠綺再三彈

天西

不信天西道路艱
彩雲飛去又飛還
楚江仍耀三千練
秦棧誰封百二關
寄語龍驤須固壘
由來米賊慣憑山
綺黃芝盡巫峯老
重聽秋飈襄鄧閒

天都

天都秀氣最氤氲
幻作曇花似彩雲
煙淡自籠金粟豔
月濃長伴玉蟾芬
竿場每惜尋常見
酒座那無笑語聞
卻憶十年鴻爪影
一枝蘭藥繪湘君

中秋對月二首

雕琢那須七寶欄只因時至便高寒
八方此夕無遺照四海何人不仰看
聊自低吟聊自舞半成苦調半成歡
疎林蕭瑟空山裏倍識清光五夜闌

眞見光華第一宵纖埃未許點青霄
桂房子落山多馥珠室胎成海欲潮
尚有寒光生鼓角不無煖響雜笙簫
鳳城自製霓裳曲何必長空化彩橋

集積水潭席上分韻得年字

茲潭開鑿始何年料在元家郭敬先
萬葉帆臻遼海月一奩鑑拂薊門煙
分身幻作花千界把酒收來香滿川

賸欲因風踏波去灣頭太乙認仙船

七言絕句

鄉山雜詠八首

饑餐瓊粒渴瑤泉舊侶過從不記年曾向大雲山上住

隨風升降自飄然

大雲山

九峯駢列似芙蓉雲氣長凝太古容茶竈藥牀樵子見

仙人先我卓疎筇

九靈山

繡旗鐵馬寶蓮花異鳥來穿海外霞鐵鎖垂垂頻下上

五峯卓絕是仙華

仙華山

叢花芬豔不知名絕壁藤紅老欲驚七十二峯雙澗水

山童長說謝元卿

五洩山

連山蒼翠作圍屏
石路縈空入杳冥
鐵笛一聲人語
寒風吹與老龍聽

響鐵嶺

四圍峭壁拱平畦
欲上須尋綠玉梯
誰料門前稻溝水
去成雪瀑九天齊

紫閭山

湖洑溪頭萬樹梅
金沙嶺側綠波回
鴛鴦鸕鷀鳴相和
何處漁翁曬網來

金沙嶺

紫朮黃精匝地肥
不誇服食也無饑
遠尋丹汞知何事
出開扉月掩扉

馬建山

邵八季民遊杭蘇歸詩以奉詢並書箴頭三首

南北雙峯青髻丫
六橋煙水自橫斜
孤山定訪林君復
屋角梅開幾樹花

煙雨樓邊盪槳過
鱗鱗鴨綠蘸微波
曝書亭叟行吟處
多少鴛湖續棹歌

虎阜靈巖亘古青
山塘松籟幾回聽
眼中三萬六千頃
橫笛應吹兩洞庭

雜詩

欲銷劒戟事鉏耰
荆豫春耕大可憂
最是南陽人散盡
麥田仍報十分收

去國門口占

十四年來一夢醒
輕鷗矯翼去長汀
風光頗勝得官日
纖翳不留天自青

風希堂詩集卷五終

孫垣生校梓

風希堂集卷第六

歸田集

浦陽 戴殿泗 東珊

五言古詩

茯苓仙

西江蓮士公自幼學修鍊其叔慕竺墳長齋永不變蚤
年魁多士晚綜延英殿樞庭從紛蹟不忘登彼岸聲接
南厓翁謂余師喬羨身體而力行造極在一旦其日值
晚餐畱余詢講貫余方謝不遑柔默敢自炫酒閒出茯
苓野老昔所獻縱長一尺餘瞋目類顛眊蒼皮雲繞體
綠髮花近面頭頸及雙臂腰臀復重趺惟少一左足補

以餘苓纏亦除說乃知衆目雜昧眇偉哉茯苓仙神物
實欽卞公言幼穉日曾讀神仙傳盤松鬱結成異事今
乃見相好無不具仙緣似可戀是時劉學士在座頗凌
緬謂言學仙者必定遭魚爛魔來風絮繞狂至水紋亂
此事自天成強鍊輒河漢余言誠有之飛昇所由罕然
是學者過豈謂大道判公首肯其談事在人爲擅卽如
仙經言烹食茯苓片盡此具人形輒可遊仙甸今方未
得訣亦復少時晏靜一始從事煩促虞泮渙早晚乞林
泉猶豫不敢斷歎息弄藏之無庸強誇衍畱待有緣人
千劫增遐算

天台山

京師逢勝友來自台山巔爲言靈嶽蹟奇奧蔚然華
頂嵌空峙赤城颺紫煙迤東爲桐柏西覩瀑布懸鬱深
仙佛境斷俗出塵緣寥蕭國清寺創始隋唐先早晚鐘
魚聲香旛陳法筵周圍四十里曾無凡栢椽茅蓬隨布
置錯列臥靜專其人類百齡不自述歲年沿山食薇蕨
投林侶鳥鳶如有修道者至此始神全豈獨邱壑異實
遺性命延聞之自雋快如讀逍遙篇自入

上書房巨軸來翩翩云有台嶽圖丹青竊精妍

皇子謂余言曾否履此躔余言雖未到五百里毘連山

風希堂詩集卷六

川勢相近天矯浙東偏爲指石橋頂無人此溯沿一朝
脫屣去惟有紫霞仙石洞何深杳松桂盡便娟全幅自
妙手蒼潤相新鮮君家有此山何事舍之遷袞袞紅塵
裏安得好林泉余言行去矣巖壑心所鑄高林逐麋鹿
峻嶺守蓀荃不久果言歸放志凌天淵旣訪陶貞白言
尋葛稚川雖有舊遊好莫得尋徽絃朗月元猿嘯清風
白鶴眠靈邱屹娟遂物外全吾天

婺士

婺士爲神者二子世莫並永康胡侍郎

名則字子正

讀書方

巖頂初登端拱第驥足始馳騁太宗及眞仁極盛無讒

管十綰方州印六番使節秉計臣及選曹公恕寬仁領
惠澤遍天下風徽凜三省服官三十年既沒葬龍井韓
范所紀載歷歷具光炯衢婺道身丁報德列藻荇赤蛇
齧淵藤白馬飲水盡除盜出須臾赫靈最彪炳誰能七
百載比戶祝綏靖義烏朱總河

名之錫
字梅麓

登科初

定鼎芸館始培英歷踐瀛洲境中年陟河督黃水日告
警漕艘苦夏淺崑河慮秋猛豫揚殷待命減騎與游艇
宜疏宜增築周遍歷溟滓泊河數十年國帑從減省沒
乃爲河神敘爵躋五等邇年嘉慶初豫工飈作梗紅旗
自廟出合龍在俄頃

賜號實有光享薦敦華皿夫誰百年後靈感且嚴整二
士遞爲神天光積雲景區宇藉保障河患得蘇醒豈惟
科第先實乃忠節耿企慕鄉先生興言託滋穎

和柳文肅公朔還詩十首

并序

昔柳文肅公作朔還詩有云成吾看山福豈不在老
大山居時以其句爲題賦詩十首深言山中之樂義
門鄭太常仲舒亦嘗和之余憶少壯日性喜遊山自
辛丑北上京師至己巳南還中閒除來往者四歲蓋
二十五年今又十有一年矣雖看山之興無日無之
而文肅公所謂福者惟此十年中時深領會焉因和

詩十首以誌年月云己卯三月穀雨日

我生山水窟曠覽皆蓬瀛五嶽在咫尺海外起崢嶸昔
聞浙之左玉堂與金庭奇峯盡飛來忽與子目成
少日恣遊戲仙華尋寶書攀索踏其巔所見惟虛無長
山無五兵松子與之俱未悟驂鸞訣批玉求昆吾
巍峩秦望嶺禹穴在其閒言自東陽至海國明金鑾浙
西天目峯洞霄與隨刊日從紫陽頂樽酒帶劒看
嶧山黑而赭岱嶽高九寰鳬繹迨龜蒙紫翠差可攀北
行醫無閭嶼岼居庸關眼界杳無極詎非山外山
懸車古北口上有魚鱗屋灤山陟峻嶺天氣殊涼燠進

自余遊京華日與山水會歸來已十年適志了無外獻
秀几席閒爭奇妙圖繪南郭志成虧北海蔑細大

髮脫

昔八

上書房山東石菴師時爲總師傅甫見目不移曰是古
和尚神氣湛不離斯須煩應接回言果不欺僧家有軌
則喜捨與慈悲第一當去者乃在貪嗔癡余謂作和尚
得非無根基公言大錯誤不可浪說爲和尚不讓人唐
家數古錐品概居何等孰竟胸中知儒宗除孔聖莫克
超軼之當時默無言意想良可規迄今二十載髮脫似

毘尼滿頭白如雪縷縷垂素絲稀少仗髮辮十莖相維
持一脫如落花清晨震以嘻今日爲和尚始免煩惱噲
迴思石菴師駕鶴攀雲嶠享年八十五暮飽朝不饑臨
沒在朝房抗言談書詩歸家食鹿尾盡一乃希夷後此
十餘年苧蘿逢降其朝右正卿昔山中宰相斯爲問戴
傳臚健否神氣滋其人問一事欲爲不得施謂與傳臚
商妥貼無不宜公之學間深右釋左儒帷昔年文正公
朝罷靜參時寂處在一室糊塗不可推公時闔門入印
證萬法隨家庭自師友棒喝交橫馳萬事一髮耳黏脫
任指麾興言述茲事胸境自熙怡

題蝸室銘

并序

東陽李從仲尚書諱大同初受學於朱文公之門繼
成進士理宗朝陳謹獨之戒星變陳言不激不隨上
爲傾聽進侍御史真西山進講大學與上下其議論
進工部尚書知平江府又知福州致仕年八十七卒
晚自號蝸室老人有蝸室銘生平著述甚夥皆不傳
獨存蝸室銘一首夫以侍御史之榮進位尚書且莅
平江府福州二任而致仕後所居惟一蝸室此其清
風高節與義烏徐文清公競烈始信受業者亭心傳
爲不偶然當時鄉學不僅何王金許爲稱重也慨慕

無已爲題蝸室銘以見意

雨餘羣蝸遊慨然思古人一室澹自足背負全其真東陽李夫子鄉學朱呂門嘉熙淳祐閒理學進國珍天心特許可契合語如神位極鑿坡側氣質何溫醇一朝致政歸斗室稱還淳蝸廬不求羸螻屈殊自親古之磊落士內重外皆塵不見蝸室銘清風激四鄰

九月二十三日同孫球雲至後坂賞紅葉過兩都橋循油車園看老松蚬繆如龍栗樹坪坂紅樹尤盛歸過春塘碓山齋看菊花還至前溪賞玩徑歸觸物興彌佳感秋情最爽苦乏濟勝具何以慰俯仰亭

午夜柴扉清霄闢氛垓霜凝紅樹繁日耀菊花朗坂隱
原隰深橋橫都圖兩循園看老松飛舞仙人掌遙坪蔚
在目風葉迸清響齋頭黃花盛培植緬疇曩旣成毓性
方自得出塵想歸來眺前溪煙靄迭修廣何必青雲梯
姑撰綠玉杖

題石影山房照

并序

費昶字雲程號息齋弋陽人才高博學爲史可法幕
友史公死亦自縊而亡有石影山房照

我讀臯羽詩中夜起而舞今誦石影語毛髮爲飛豎古
今孰同異文山與閣部正氣天地閒蓮幕同旁午未嘗

服一官徒自振鼙鼓忠脾千載留義膽一時撫山木盡
震號江湖爲鬱怒請看貞石堅霏影作虬虎

題徐季卿偉福庭文囿冊并序

湯溪徐偉字季卿己酉拔萃生嘗從仙家學九轉鍊
丹之法以金華山鹿田秀氣滌鬱於棲止爲宜嘗築
精舍其中並請於阮芸臺中丞題之曰福庭文囿未
幾爲風所壞遂遷其右側重構之夏日則驅塵追暑
其地與余數狎以冊索詩爰爲題之

徐君別來久二十一寒暑手持山水軸足踏煙霞路逝
從仙者遊不共凡人步調息護中黃養氣忘形寓謂言

大丹成胡不逕飛去世界有何好蠻觸與同住答言將
長往老鹿耕田處都福敞高庭無文文乃聚吾聞赤松
山有湖向南注實以徐公名前定毋乃數又聞馬子微
金華洞天註司馬子微洞天福地記云第三十六戴眞
金華洞天廣五十里戴眞人所治戴眞
人所治夫豈無其故必也徐戴合仙游始於婺勗哉鞭
鸞鶴吾將從子駐

七言古詩

讀陸放翁岳池農家詩依韻效作

人生知耕百事足前村早起聞呼犢茫茫煙町曉風和
落落茅茨春雨綠茅茨不翦清更美土脈淺深耕事起

占測從來慣入神翁語其孫父教子非徒主伯最知時
婦姑不解拈雙眉輸稅易鹽充囊贈錢刀是出惟新絲
去年豐稔固云樂餘得服勤良不惡聖化因民匪有他
平成首事先東作

授衣鉢詩爲蓮舟上人作

蓋聞佛以西域出袈布製爲元衣傳六祖始自拈花微
笑僧繼之阿難廿八武自從達摩航海來折葦渡江大
乘土一花五葉始傳真有鉢亦同紫金鑄祕藏佛寺不
炫示命如懸絲慎所與得此廣東無字人傳授無師獨
知鉅一言不識萬經通衣止不傳延道緒知道者衆行

者少自此二派嘗鏖炷足下馬駒踏煞人首傳靈默五
洩宇僧徒臨濟五大宗四海宗風默與語又有融師第
四傳住黃官谷特豪舉二師諸暨之雋徒已兼六祖傳
斯普蓮舟上人踵其後屹然遠志思自古乞余作授衣
鉢詩欲向達摩求梁柱師也本是庸衆流不露圭角與
凡處性地中和語質實以此求道道斯付何必離奇與
光怪勿於性上尋眞著無上菩提本不遙一眞切眞絕
取予君不見大庾嶺頭奪衣客棄之石上不能取赫然
本然眞面目卽是授衣眞化雨

萬歲藤雙杖歌

一藤萬歲誰所爲出自三茅之神崎巖谷窈窕雨雪蝕
節目磊砢紛翳蓄衰年需杖山叟詔特命般爾往斲之
總來六杖堅且瘦內有二者尤瑰奇其一龍形态騰躍
角鬣悉具長鬚髯獨無鱗身與閃尾張目湛若窺天倪
其一百獸形各備無一似者無一非額若麒麟項獅子
斑然虎豹矯熊羆或如貔貅登峻嶽或如鳳鳥銜靈芝
祝哽如鳩橫海鵠仙遊似鶴衝天鴟不須確鑿求質相
何妨髣髴存依稀自從二杖真卓犖歸田十載頻攜斯
今年閒讀工部集亦復汎覽韓昌黎滄波噴浸尺度足
赤龍拔鬚血淋漓古來奇物值二子遂有異語驚人詩

祇今安得杜韓老蜀山深裊無能追氣酣日晃遊層巖
手執二杖揮朝曦何曾見水始爲龍變化踴躍缺扶持
粵自伯益誌山海森列異獸多夔跼仙子神遊不須杖
鐵拐奇疾無良醫吾今三萬六千日聊且與爾同棲遲
五言絕句

羣卉詩

薺蔔

薺蔔著花時達者知無隱不用木魚聲舉足菩提近

紫藤

京華多好尚燦燦紫藤花若論日下始只有竹垞家

紅荷

澄懷千萬朵此地兩三株不用分多少真香自有餘

春蘭

藝蘭當九畹春山自在幽何當辨叢蕙蘊藉識清修

芭蕉

今春大雪積凍損隔窗蕉爲聽六月雨遍地發新苗

風希堂詩集卷六終

姪孫珙辰校梓

跋

詩之編年所以攷一身之閱歷記一時之交遊亦以知學之與年俱進也季父東珊先生不肯以詩鳴所作隨手散軼今於舊篋中檢得殘稿數冊及零篇賸紙若干首分爲四集自乾隆庚子以前爲諸生時所作者爲山居集是年以優行貢成均辛丑入都充八旗教習與倪韭山高未圖諸公唱酬之作爲東華集嘉慶丙辰入翰林與同館唱酬之作爲翰苑集己巳告假旋里偶有所作爲歸田集此四集中山居集歲月約略可攷東華集則辛丑至乙巳五年所作也丙午登順天鄉薦卽丁先

大母艱回籍守制此數年無詩庚戌復入都館韓城相
國家至乙卯年止此六年中隨相國三次出塞至木蘭
行園凡 西苑 南苑
東西兩陵無不隨行而所作詩皆遺失無一存者翰苑
集係丙辰丁巳戊午三年之詩己未入值

尚書房至戊辰年止此十年中潛心味道不多作詩所
作亦無存歸田集僅得古體詩若干首約計八十年內
詩之存者僅二十餘年耳然一生之閱歷一時之交遊
以及學之與年俱進者已約略可見也 聰賦性鈍魯幼
受業於季父得少有開悟乃於季父所作詩文不能隨

時輯錄以致散軼大半悔恨無及亟就所存者謀付梓
以行世至詩之出入韓杜積健爲雄讀者自知之聰不
敢贊一詞也道光乙酉八月姪聰謹跋